

POSITIONES

Reliqua ad hunc Titulum pertinentia ex Parte supplentes :

I.

Superioritas territorialis quantumvis in Regione vigeat, subordinata est *universæ Republicæ*, cujus *Indoli & Legibus* suum debet vigorem.

II.

Subiectum formale & proprium Superioritatis territorialis sunt *Status Imperii, Territoria* insimul *immediata* possidentes.

III.

Vnde *Knichius* in Tr. de Jur. territ. C. I. n. II 6. *Superioritatem territorialem* sine fundamento denegat *Civitatibus Imperii*, ex eo, quod careant *Dignitate Regali Principum*, quasi in ipsâ *Superioritate* inclusa.

IV.

Vti enim *Superioritas territorialis* in *Principe* dicitur *die Landesfürstliche*: in *Comite* *die gräfliche*: ita in *Civitate* vocatur *die städtische hohe Obrigkeit*.

V.

Statuta Principum omnes, citrà *Exceptionem*, in *Territorio* regulariter obligant: & *Principis liberos, & fratres ejus*, ipsamque adeò *Principissam*.

VI.

Forenses simul ac ingrediuntur *Territorium*, ejusdem se *Majestati* subijcere censentur.

VII.

Plurima à *Dominis territorialibus* cum suis *ejusdem Religionis Civibus* iniri queunt *Pacta*, quæ *diversæ Religionis Successores* nullatenus obligabunt.

VIII.

Pacta verò *Subditorum* renuntiativa cum *Pactis Principum Juris reformandi* renuntiativis, minimè exæquanda esse contendimus.

IX.

Quisque *Dominus territorialis* in *Residentiâ* suâ absolute gaudet sic dictâ *Pace Burgensi* [*Burgfrieden*] ut in *Burgis* suis, ceu *Palatiis* atque *Castellis* ab omni alterius *Injuriâ* ne vel verbis factisve inferendâ, specialiter tutus sit atque immunis.

X.

Quodsi quispiam... in *Burgo* [modò *Princeps* ibi resideat, aut *Curiam* celebret] injuriam alteri intulerit, sive ad *Duellum* provocaverit, talis tanquam *Pacis publicæ* Violator, atrociori quidem *Pœnâ*, minimè tamen [uti olim] *Manûs amputatione*, est puniendus.

e

XI.

XI.

Vnde meritò adstipulamur Cl. *Fritschii* Sententiæ, in *Tr. de Palatiis Pr. Imp. C. 12. n. 4.* "wenn nur einer die Hand zum Schlagen aufhebt in den Residenzen, so ist der Burgfriede gebrochen."

XII.

Illustre Jus territoriale *Archivi* eò extendendum non est, ut nudis *Copiis*, ac vel *Diplomatibus* fide intrinsecâ haud munitis, ideò, quia ex *Archivis* deprompta, Auctoritatem conciliari, omnesque eorum *Nævos unâ* quasi *Liturâ* induci statuamus.

XIII.

Quùm *Judeorum* in *Territoria* admissio ità fieri debeat à *Statibus*, ut *Cæsarea universalis Advocatia Judaica* semper maneat salva, hinc vbi jàm ex immemoriali tempore vel ex Privilegio *Cæsaris*, Securitatem & habitandi Jus habuerunt, sine justâ causâ nec in *Personâ* nec in *Bonis* licitè offendi, minùs *inviti* ejici possunt.

XIV.

Imò adeò *Cameram Imperialem* adhuc hodiè contra Expellentes *Mandatâ cum Clausula* decernere, monstrabimus.

XV.

Jus *Fisci Statibus* omninò competens, falsò adscribitur *Superioritatis territorialis* effectibus.

XVI.

Jus *Littoris* [*Strand-Recht, Grund- und Ruhr-Recht*] barbaris mediè *Evi* moribus procreatum, noviore ætate meritò exfulat è *Statuum Territoriis*.

XVII.

Circa Jus *Molendina* exstruendi, planè diversa est diversorum *Territoriorum* Ratio: ut ibi *Regalium* numero, alibi *Rebus meræ facultatis* accenseantur.

XVIII.

Regale decimarum novalium, quod quidam *Fcti* perperàm tribuunt *Domino territoriali*, non adjuvatur *Legibus Imperii*.

XIX.

Similiter *Tthesauri* in fundis *Privatorum* inventi, falsò accenseantur *Regalibus*.

XX.

Quò ad *Salinas* etiàm in *fundis privatis* detectas, citrà earum *Proventus*, supremum *Principi* competit *Dominium*, quod præsertim in *Cura rem salinariam* ornandi *Legibus*, omnesque ejus emendandi abusus versatur.

XXI.

XXI.

Quod idem de *Jure Protimiseos Metallorum* intelligimus.

XXII.

Quàmvis *Cives* inter se naturâ sint æquales; attamen *Virtute* mactos *animoque* generosiores, ob res præclare gestas, *Principes* meritò aliis præferunt, ne dum pari honore censentur cum omnibus reliquis, injuriâ afficiantur.

XXIII.

Ipsam tamen *Jus conferendi Nobilitatem*, quod multi Interpretes *Statibus* assignant, parùm idoneo niti videtur *Juris Argumento*.

XXIV.

Auctoritas Cæsarea hodiernis *Legibus* adeò est restricta, ut ex nulla causa vel minimum *Imperii Statum* sive provisoriè, sive in Contumaciam privare valeat *Regimine*, aut *Regalibus*.

XXV.

Vnde qui *Causas* adducunt, ob quas *Feudo* privari possit *Vasallus*, meminisse debent, quantum *Conditio Statuum Imperii* à communibus differat *Feudorum Placitis*.

XXVI.

Superioritas territorialis, ceù univèrsus omnium *Regalium Complexus*, in Terrâ ecclesiasticâ, *Sede vacante*, ipso facto transit ad *Capitulum*.

XXVII.

Quare in ipso *Jurium* quorumcunque *realium & supremæ Jurisdictionis* Exercitio, *Capitulum* suo *Capite* destitutum, idem valet, ac ipse aliàs *Archiepiscopus* vel *Episcopus* tam quàm *Diæcesanus*, quàm quàm *Dominus territorialis*.

XXVIII.

Sententiam illorum, qui *Capitulationes* Episcopis à suis Electoribus præscriptas tanquàm *Simonicas*, & consequenter omni valore destitutas explodunt, in *Regula falsam*, ipsique *Bono publico* ac *Civitatis Saluti* inimicam esse statuimus.

XXIX.

Capitulum enim velut *primarius Statuum provincialium Ordo*, in *Commodum Reipublicæ*, rectiùs capitulare solet cum *Episcopo* sive jam electo, sive eligendo, non tam quàm *tali* ceù *Principe Ecclesiæ*, quàm præsertim quàm *Domino Reipublicæ* ceù *Imperante civili*.

XXX.

Vnde *Superioritas territorialis*, uti ex *Legibus Imperii* sive *scriptis*, sive *non scriptis*, ità quoque ex hujusmodi *Capitulationibus*, cæterisque *Concordatis provincialibus* suam accipit *Mensuram*.

